

卷五卷六

七言古詩三十九首

梅村集 上

絲



梅村集卷第五

七言古詩二

東萊行

爲姜如農如須兄弟作也

漢皇策士天人畢二月東巡臨褐石獻賦凌雲魯
兩生家近蓬萊看日出仲孺召入明光宮補過拾
遺稱侍中叔子輜軒四方使一門二妙傾山東同
時里人官侍從左徒宋玉君王重就中最數司
空賢三十孤卿需大用君家兄弟俱承恩感時危
涕長安門侍中叩閣數彊諫上書對仗彈平津天

梅村集五

七言古詩

顏不憚要人怨衛尉捉頭榨下殿中旨傳呼赤棒
來血裏朝衫路人看愛弟棄官相追從避兵盡室
來江東本爲逐臣溝壑裏却因奉母亂離中三年
流落江湖夢茂陵荒草西風慟頭顱雖在故人憐
髀肉猶爲舊君痛我來扶杖過山頭把酒論文遇
子由異地客愁君更遠中原同調幾人留司空平
昔耽佳句千首詩成罷官去戰鼓東來白骨寒二
勞山月魂何處左氏勳名照汗青過江忠孝數中
丞孺卿也向龍沙死柴市何人哭子卿只君兄弟



天涯客漂零尚是烟霜隔思歸詩寄廣陵潮憶弟
書來虎丘石回首風塵涕淚流故鄉蕭瑟海天秋
田橫島在魚龍冷樂大城荒草木愁當日竹宮從
萬騎祀日歌風何意氣斷碑年月記乾封柏梁侍
從誰承制魯連蹈海非求名鴟夷一窟寧逃生丈
夫淪落有時命豈復悠悠行路心我亦滄浪釣船
繫明日隨君買山住

鷺湖曲

鷺鷥湖畔草粘天二月春深好放船柳葉亂飄千

梅村集五

七言古詩
二

尺雨桃花斜帶一溪烟烟雨迷離不知處舊堤却
認門前樹樹上流鶯三兩聲十年此地扁舟住主
人愛客錦筵開水閣風吹笑語來畫鼓隊催桃葉
伎玉簫聲出柘枝臺輕靴窄袖嬌粧束脆管繁弦
競追逐雲鬢子弟按霓裳雪面叅軍舞鸚鵡酒盡
移船曲榭西滿湖燈火醉人歸朝來別奏新翻曲
更出紅粧向柳堤歡樂朝朝兼暮暮七貴三公何
足數十幅蒲帆幾尺風吹君直上長安路長安富
貴玉驄嬌侍女薰香護早朝分付南湖舊花柳好

留烟月伴歸橈那知轉眼浮生夢蕭蕭日影悲風
動中散彈琴竟未終山公啓事成何用東市朝衣
一旦休北邙坏土亦難留白楊尚作他人樹紅粉
知非舊日樓烽火名園竄狐兔画閣偷窺老兵怒
寧使當時沒縣官不堪朝市都非故我來倚棹向
湖邊烟雨臺空倍惘然芳草乍疑歌扇綠落英錯
認舞衣鮮人生苦樂皆陳迹去年來堪痛惜聞
笛休嗟石季倫衛杯且效陶彭澤君不見白浪掀
天一葉危收竿還怕轉船遲世人無限風波苦輸

與江湖釣叟知

梅村集五

七言古詩
三

項黃中家觀萬歲通天法帖

王氏勳名自始興後人書法擅精能江東將相傳
家在翰墨風流天下稱前有瑯琊今樵李項氏由
來堪竝美襄毅旂常戰伐高墨林書画聲名起當
時海內號收藏秘閣圖書玉軸裝近代丹青推董
巨名家毫素重鍾王鍾王妙蹟流傳舊貞觀在御
窮搜購盡隨萬乘入昭陵人間一字無遺漏碑石
猶存腕鋒出風摧雨剝苔文脫棗木鐫來波磔非

牋麻榻就戈鉞失君家此書何處傳云是萬歲通
天年則天酷嗜二王法詔求手迹千金懸從官方
慶拜表進臣祖羲獻與僧虔生平行草數十紙龍
蛇盤蹙開天顏賜官五階帛百疋仍勅能手雙鉤
填裝成用寶進御府不知何事流人間我思羲之
負遠略北伐貽書料強弱惜哉徒令書畫傳晉墓
功名氣蕭索江東無事富山水興來灑筆臨池樂
足知文采賴昇平父子優游擅家學只今海內無
高門稽山越水烽烟作春風掛席由拳城夜雨君
齋話疇昨嗚呼吾友雅州公舒毫落紙前人同一
官烏撒沒坏土萬卷青箱付朔風少伯湖頭鼙鼓
動尚書第內烟塵空可憐累代圖書盡斷楮殘編
墨林印此卷仍逃劫火中老眼縱橫看筆陣君真
襄毅之子孫相逢意氣何相親卽看書畫與金石
訪求不屑辭家貧嗟乎世間奇物戀故主留取縑
緜傲絕倫

梅村集五

七言古詩
四

送徐次桓歸胥江草堂

春來放櫂鴛湖游杉青插畔登高樓
襖裘徐郎最

年少坐中搖筆烟霞收裝隨到我海濱去雞黍流
連別何遽云過胥江舊草堂乃父淒涼讀書處滄
山突兀枕江濱伍相祠荒對夕曛我是故人同季
子十年相識憶徐君只今孺子飄零客蘆中窮士
無人識掛劍雖存舊業非吹簫未遇吾徒惜歸去
還登漁父船南枝越鳥竟誰憐投金瀨在王孫泣
白馬江聲遶舍邊

畫蘭曲

畫蘭女子年十五生小琵琶怨春雨記得粧成一

梅村集五

七言古詩
五

見時手撥簾帷便爾汝蜀紙當窓寫晚蘭口脂香
動入毫端腕輕染黛添芽易釧重舒衫放葉難似
能不能得花意花亦如人吐猶未珍惜沉吟取格
時看人只道儂家媚橫披側出影重重取次腰肢
向背同昨日一枝芳砌上折來雙鬢鏡臺中玉指
纔停弄絃索漫攏輕調似花弱殷勤彈到別離聲
雨雨風風聽花落花落亭臯白露薄舊根易土護
新寒可憐明月河邊種移入東風碧玉欄聞道羅
幃怨離索麝媒鵝絹閒嘗作又云憔悴非昔時筆

牀翡翠多零落今年掛楫洞庭舟柳暗桑濃菴綺
樓度曲佳人遮鈿扇知書侍女下瓊鉤主人邀我
圖山色宣索傳來画蘭筆輕移牙尺見勻牋側偃
銀毫憐吮墨席上回眸惜雁箏醉中適口認魚羹
茶香黯淡知吾性車馬雍容是故情常時對面憂
吾瘦淺立斜窺訝依舊好將獨語過黃昏誰堪幽
夢牽羅袖歸來開篋簡啼痕腸斷生綃點染真何
似杜陵春襖飲樂游原上采蘭人

送杜公弼武歸浦口

梅村集五

七言古詩
六

將軍威名著關隴紫面虬髯鋒骨竦西州名士重
人豪北地高門推將種起家二十便登壇氣壓三
河震百蠻夜半旌旗度青海雪中笳鼓動蕭關當
時海內稱劉杜死事忠勳君叔父黃砂磧上起豐
碑李氏功名何足數君爲猶子有家風都護防秋
杖節同白帝傳烽移劍外黃巾聞警出榆中功敗
垂成謀不用十年心力堪悲痛只今天地滿風塵
餘生淪落江南夢江南烟雨長菰蒲蟹舍魚莊家
有無醉裏放歌衰髮短狂來搖筆壯心蘇自言少

年好詩酒學佛求仙徧師友牀頭真訣幸猶在肘
後陰符復何有嗟余憔悴卧江潭騎省哀傷初未
久君來一見卽論文謂結婚姻商不朽蹉跎此意
轉成空自恨愆期負若翁非是雋君辭霍氏終然
丁椽感曹公此後相逢輒悲歎秦關何處鄉書斷
苦憶江南欲住難羈縲老病無人看三經出塞五
專征一卷詩書記姓名奴僕旄旄多甲第親朋兵
火剽浮生重向天涯與我別憑欄把酒添凄咽烟
水蘆花一雁飛回頭却望江南月

蘆洲行

梅村集五

七言古詩
七

江岸蘆洲不知里積浪吹沙長灘起云是徐常舊
賜莊百戰勳名照江水祿給朝家禮數優子孫萬
石未云酬西山詔許開煤冶南國恩從賜菽洲江
水東流自朝暮蘆花瑟瑟西風渡金戈鐵馬過江
來朱門大第誰能顧惜薪司按先朝冊勳產蘆洲
追籽粒已共田園沒縣官仍收子弟徵租入我家
海畔老田荒亦長蘆根豈賜莊州縣逢迎多妄報
排年賠累是重糧丈量親下稱蘆政鞭笞需索輕

人命胥吏交關橫派征差官恐喝難供應江南尺
土有人耕踏勘終無豪占情徒起再科民力盡却
虧全課國租輕積年升科老田本漕白重課指爲
無糧侵占故有重糧再科後重糧
去而定爲蘆課視原額反少減矣甚言害民而又損國其無益如此詔書昨下知民
病解頭使用今朝定早破城中數百家蘆田白售
無人問休嗟百姓困誅求憔悴今看舊五侯只好
負薪煨馬矢敢誰伐荻上漁舟君不見舊洲已沒
新洲出黃蘆收盡江湖白萬束千車運入城草場
馬廄如山積樵蘇猶向鍾山去軍中日日燒陵樹

捉船行

梅村集五

七言古詩
八

官差捉船爲載兵大船買脫中船行中船蘆港且
潛避小船無知唱歌去郡符昨下吏如虎快槩追
風搖悉櫓村人露肘捉頭來背似土牛耐鞭苦苦
辭船小要何用爭執洶洶路人擁前頭船見不敢
行曉事篙師斂錢送船戶家家壞十千官司查點
候如年發回仍索常行費另派門攤云雇船君不
見官舫嵬峩無用處打鼓插旗馬頭住

馬草行

秣陵鐵騎秋風早，廐將圍人索芻藁。當時積北起蒲梢，今日江南輸馬草。府帖傳呼點行速，買草先差人打束。香芻堪秣飽，驕驄不數西涼誇。首着京營將士導，行錢解戶公攤數。十千長官除頭吏，乾沒自將私價僦。車船苦差常例須，應免需索停留。終不遣百里曾行幾，日程十家早破中人產。半路移文稱不用歸來，符取重裝送推車。挽上秦淮橋道遇將軍紫騮鞚，轅門芻豆高如山。長衫沒髀看奚官黃金絡，頸馬肥死忍令百姓愁。饑寒回首當

梅村集五

七言古詩九

年開僕監龍媒烙，字麒麟院天閑響。逸起黃沙游北三千滿，行殿蔣山南望獵痕燒。放牧秋原見射鵬，寧莖雕胡供伏櫪。不堪極目草蕭蕭。

題志衍所畫山水

畫君故園之書屋，午榻茶烟蒔花竹。著我溪邊岸葛巾，十年笑語連床宿。畫君蜀道之艱難，去家萬里誰能還。戎馬千山西望哭杜鵬，落月青楓寒今之此圖何者是，黯澹蒼茫惟一紙。想像雲山變滅中，其人與筆寧生死。我思此道開榛蕪，東南画脈

多蕭疎君嘗展卷向予說得及荆關老輩無巫山
巫峽好粉本一官大笑誇吾徒此行歸來掃素壁
捫腹滿貯青城圖只今猶是江南樹憶得當時送
行處楊柳青青葭菼邊雙槳搖君此中去

題蘇門高士圖贈孫徵君鍾元

容城人
孝廉

蘇門山水天下殊中有一人清且癯龐眉扶杖白
髭鬚鵝冠野服談詩書定州城北滌水瀦白沙村
畔爲吾廬少年蹠蹠千金駒獻策天子來皇都
腰鞬三矢玉鹿盧幽州臺上爲歡娛日暮酒酣登

梅村集五

七言古詩
十

徐無顧視同輩誰能如十人五人居要樞拖金橫
玉當朝趨今我不第胡爲乎有田一廛書百廚雞
泉馬水吾歸歟七徵不起乘柴車當時猶是昇平
餘一朝鐵騎城南呼長刀斫背將人驅里中大姓
高門間鞭笞不得留須臾叩頭莫敢爭高腴乞爲
佃隸租請輸牽爺擔子立兩衢問言不荅但歛歔
先生閉門出無驢僵卧一榻絕朝餽弟子二人昇
籃輿百門書院今空虛此中間是孫登居太行秀
色何盤紆橙楠榛栗松杉儲儲風從中來十萬株嘯

臺遺址烟霞俱流泉百道穿堦除幅巾短髮不用
梳彈琴橫卷心安舒微言妙旨如貫珠考鐘擊磬
吹笙竽古文屋壁闢禹謨異人手授先天圖談仁
講義追堯夫後來姚許開榛蕪斯文不墜須吾徒
誰傳此圖來江湖使我一見心踟躕卽今絕學誰
能扶屈指耆舊堪嗟吁蘇門山下有碩儒中原學
者多沾濡百年文獻其存諸我往從之歌黃虞

壽總憲龔公芝麓

丈夫四十致卿相努力公孤方少壯握手開尊話

梅村集五

七言古詩
十一

疇昔故人一見稱無恙當初海內苦風塵解褐才
名便絕倫官守斬春家近楚賊窺江夏路通秦書
生年少非輕敵環甲開門便迎擊詩成橫槩指黃
巾戰定磨崖看赤壁我同宋玉適來游多士名賢
共校讐此地異才爲亂出論文高話鎖廳秋別後
相思隔江水黑山鐵騎如風雨聞道黃州數被兵
讀書長嘯重圍裏荏苒分飛十八年我甘衰白老
江邊那知風雪嚴城鼓重謁三公啓戟前卽君致
身已鼎足正色趨朝勤補牘異書捫腹五千卷美

酒開顏三百斛月明歌舞出簾櫳刻燭分題揮灑
中談笑阮生青眼客文章王椽黑頭公却思少小
經離亂銅駝荆棘尋常見側身天地竟何心過眼
風光有誰羨楚水吳山思不禁朝衫欲脫主恩
深待看賀監歸來歲勾漏丹砂本易尋

王郎曲

王郎十五吳趨坊覆額青絲白晳長孝穆園亭常
置酒風流前輩醉人狂同伴李生柘枝鼓結束新
翻善財舞鎖骨觀音變現身反腰貼地蓮花吐蓮

梅村集五

七言古詩
十二

花婀娜不禁風一斛珠傾宛轉中此際可憐明月
夜此時脆管出簾櫳王郎水調歌緩緩新鶯嘹唳
花枝暖慣拋斜袖卸長肩眼看欲化愁應懶摧藏
掩抑未分明拍數移來發曼聲最是轉喉偷入破
婦人腸斷臉波橫十年芳草長洲綠主人池館惟
喬木王郎三十長安城老大傷心故園曲誰知顏
色更美好矐神剪水清如玉五陵俠少豪華子甘
心欲爲王郎死寧失尚書期恐見王郎遲寧犯金
吾夜難得王郎暇坐中莫禁狂呼客王郎一聲聲

頓息移牀欵坐看王郎都似與郎不相識往昔京師推小宋外戚田家舊供奉只今重聽王郎歌不須再把昭文痛時世工彈白翎雀婆羅門舞龜茲樂梨園子弟愛傳頭請事王郎教絃索耻向王門作伎兒博徒酒伴貪歡謔君不見康崑崙黃幡綽承恩白首華清閣古來絕藝當通都盛名肯放優

閒多王郎王郎可奈何

王郎名祿字紫稼於勿齋徐先生二株園中見之髻

而哲明慧善歌今秋遇于京師相去已十六七載風流儂巧猶承平時故習酒酣一出其伎坐上爲之傾靡余此曲成合肥龔公芝麓口占贈之曰薊苑霜高舞柝枝當年楊柳尚如絲酒闌却唱梅村

梅村集五

七言古詩十三

曲腸斷王郎十五時

楚兩生行

并序

蔡州蘇崑生維揚柳敬亭其地皆楚分也而又客於楚左寧南駐武昌柳以談蘇以歌爲幸舍重客寧南沒於九江舟中百萬衆皆奔潰柳已先期東下蘇生痛哭削髮入九華山久之出從武林汪然明然明亡之吳中吳中以善歌名海內然不過嘽緩柔曼爲新聲蘇生則於陰陽抗墜分荆比

度如崑刀之切玉叩之栗然非時世所爲
工也嘗遇虎丘廣場大集生覘其旁笑曰
某郎以某字不合律有識之者曰彼傖楚
乃竊言是非思有以挫之間請一發聲不
覺屈服顧少年耳剝日久終不肯輕自貶
下就蘇生問所長生亦落落難合到海濱
寓吾里蕭寺風雪中以余與柳生有雅故
爲立小傳援之以請曰吾浪跡三十年爲
通侯所知今失路憔悴而來過此惟願公
一言與柳生並傳足矣柳生近客於雲間
帥識其必敗苦無以自脫浮湛敖弄在軍
政一無所關其禍也幸以免蘇生將渡江
余作楚兩生行送之以之寓柳生俾知余
與蘇生游且爲柳生危之也

黃鵠磯頭楚兩生征南上客擅縱橫將軍已沒時
世換絕調空隨流水聲一生挂頰高談妙君卿唇
舌淳于笑痛哭長因感舊恩詠嘲尚足陪年少途
窮重走伏波軍短衣縛袴非吾好抵掌聊分幕府

金襍裳自把江村釣一生嚼徵與含商笑殺江南
古調亡洗出元音傾老輩疊成妍唱待君王一絲
縈曳珠盤轉半黍分明玉尺量最是大堤西去曲
累人腸斷杜當陽憶昔將軍正全盛江樓高會誇
名勝生來索酒便長歌中天明月軍聲靜將軍聽
罷據胡牀撫髀百戰今衰病一朝身死豈降旂
髣髴散盡無橫陣那連高塚泣西風射堂賓客嗟蓬
鬢羈棲孤館伴野驄野哭天邊幾處聞草滿獨尋
江令宅花開杜秋墮鵬絃屢換尊前舞鼉鼓
誰開江上軍楚祇歸未得吳兒肯道不如君
我念邗江頭白髮滑稽幸免君知否失路徒貽妻
子憂脫身莫落諸侯手坎墮繇來爲盛名見君寥
落思君友老去年來消息稀寄爾新詩同一首隱
語藏名代客嘲姑蘇臺畔東風柳

茸城行

朝出胥門塘暮泊佘山麓芴帶三江襟扈瀆五茸
城是何王築泖塔霜高稻葉黃澗湖雨過蓴絲綠
百年以來誇勝事丹青圖卷高珠玉學士揮毫清

秘樓徵君隱几逍遙谷前輩風流書画傳後生賢
達聲華續給事才名矯若龍山公人地清如鵠汗
簡銷沉又幾秋滄江屢建高牙纛不知何處一將
軍到日雄豪炙手煎羊侃後房歌按隊陳稀寶容
劍成羣刻金爲漏二更箭錯寶施牀五色文異物
江淮嘗月進新聲尔誰自天聞承恩累賜華林宴
歸鎮高談橫海勳未見尺書收草澤徒誇名字得
風雲此地江湖縮鎖鑰家擅陶朱戶程卓千箱布
帛運軺車百貨魚鹽充邸閣將軍一一數高貲下

梅村

集五

七言古詩
十六

令搜牢徧墟落非爲仇家告併兼卽稱盜賊通囊
橐望屋遙窺室內藏算縉似責從前諾敢信黔婁
脫網羅早看猗頓填講齋窟室飛觴傳箭催博場
戲責橫刀索縱有名豪解折行可堪小戶勝任藥
將軍沉湎不知止箕踞當筵任頤指拔劍公收伍
伯妻鳴磬射殺良家子江表爭猜張敬兒軍中思
縛盧從史枉破城南十萬家養士何無一人死貪
財好色英雄事若輩屠沽安足齒君不見夫差獵
騎何翩翩五葦春草城南天雉媒飛起發雙矢西

施笑落珊瑚鞭湖山足紀當時勝歌舞猶爲後代
傳陸生文士能爲將勳名三世才難量河橋雖敗
事無成睥睨千秋肯誰讓代有文章占數公烟霞
好處偏神王兵火燒殘萬卷空大節英聲未凋喪
一朝遽落老兵手百里溪山復何有已見衣冠拜
健兒苦無丘壑安窮叟茸城楊柳鬱婆娑欲繫扁
舟奈晚何盤龍浦上行人少唳鶴灘頭戰艦多我
望嚴城聽街鼓鱸魚沽酒扣舷歌側身回視忽長
笑此亦當今馬伏波

梅村集五

七言古詩
十七

贈吳錦雯兼示同社諸子

吾家季重才翩翩身長七尺虬鬚髯投我新詩百
餘軸滿牀絹素生雲烟自言里中有三陸長衫拂
髀矜豪賢弟先兄舉致身早我亦挾策遊長安其
餘諸子俱嶽嶽感時上策愁祁連會飲痛哭岳祠
下聞者大笑驚狂顛臯亭山頭金鼓震萬騎蹴踏
東南天貽書訣別士龍死嗚呼吾友非高官餘或
脫身棄妻子西興潮落無歸船我因老親守窮巷
買山未得囊無錢息心掩關謝時輩五年不到西

溪邊比因訪客過山寺故人文酒相盤桓手君詩
篇令我讀使我磊落開心顏豈甘不死愧良友欲
使奇字留人間跳刀拍張雖將相有書一卷吾徒
傳吾聞其語重歎息平生故舊空茫然不信扁舟
偶乘興丁儀吳質追隨歡酒酣對客作長句十紙
謾謾松風寒後來此會良不易况今海內多艱難
安得與君結廬住南山著述北山眠

蕭史青門曲

蕭史青門望明月碧鸞尾掃銀河濶好時池臺白

梅村集五

七言古詩
十八

草荒扶風邸舍黃塵沒當年故后媿好家槐市無
人噪晚鴉知憶沁園公主第春鶯啼殺上陽花鳴
呼 先皇寡兄弟天家貴主稱同氣奉車都尉誰
最賢鞏公才地如玉濟被服依然儒者風讀書妙
得公卿譽大內傾宮嫁樂安 光宗少女宜加意
正值 官家從代來王姬禮數從優異先是朝廷
啓未央天人寧德降劉郎道路爭傳長公主夫婿
豪華勢莫當百兩車來填紫陌千金榼送出雕房
紅窓小院調鸚鵡翠館繁箏叫鳳皇白首傳璣阿

母飾綠鞵大袖騎奴裝灼灼天桃共穠李兩家姊
妹驕紈綺九子鸞雛鬪玉釵釵工百萬恣求取屋
裏熏爐滃若雲門前鈿轂流如水外家肺腑數尊
親 神廟榮昌主尚存話到孝純能識面抱來太
子輒呼名六宮都講家人禮四節頻加戚里恩同
謝面脂龍德殿共乘油壁月華門萬事榮華有消
歇樂安一病音容沒莞蕩桃笙朝露空溫明祕器
空堂設玉房珍玩宮中賜遺言上獻依常制却添
駙馬不勝情 至尊覽表爲流涕金冊珠衣進太

梅村集五

七言古詩
十九

妃鏡奩鈿合還夫婿此時同產更無人寧德來朝
笑語真憂及四方宵旰甚自家兄妹話艱辛明年
鐵騎燒宮闕 君后倉黃相訣絕仙人樓上看灰
飛織女橋邊聽流血慷慨難從鞏公死亂離怕與
劉郎別扶攜夫婦出兵間改朔移朝至今活粉碓
脂田縣吏收糶樓舞閣豪家奪曾見天街羨璧人
今朝破帽迎風雪賣珠易米返柴門貴主淒涼向
誰說苦憶 先皇涕淚漣長平嬌小最堪憐青萍
血碧它生果紫玉魂歸異代緣盡嘆周郎曾入選

俄驚秦女遽登仙，青青寒食東風柳。彰義門邊冷
墓田，昨夜西窓仍夢見。樂安小妹重歡讌，先后傳
呼喚。捲簾貴妃笑折櫻桃倦，玉階露冷出宮門。御
溝春水流花片，花落回頭往事非。更殘燈灺淚沾
衣，休言傅粉何平叔。莫見焚香衛少兒，何處笙歌
臨大道。誰家陵墓對斜暉，只看天上瓊樓夜烏鵲。
年年它自飛。

董山兒

董山兒兒生不識亂，與離父言急去牽兒。衣母言

梅村集五

七言古詩
二十

乞火爲兒炊，作糜父母忽不見。但見長風白浪高，
崔嵬將軍下一令。軍中那得聞兒啼，樓船何高高。
沙岸多崩摧，榜人不能移。舉手推墮之上，有蒲與
萑。下有濘與泥，十步九倒。迷東西，身無袴襦足穿
疾。藜叩頭指口，惟言飢。將船送兒去，問以鄉里記。
憶還依稀父兮母兮哭，相認聲音雖是形骸非。傷
有一老翁羨兒獨來歸，不知我兒何處餵游魚。或
經略賣遭鞭笞垂頭涕，下何纍纍吾欲竟此曲。此
曲哀且悲，茫茫海內風塵飛。一身不自保，生兒欲

何爲君不見董山兒

七言古詩三

送沈繹堂太史之官大梁

雲間學士推二沈布衣名見登華省多少金闈榜
墨新科名埋沒聲華冷青史流傳有弟兄衣白山
人披賜錦一代才名並玉珮百年緇素垂金粉知
君門胄本能文易世遭逢更絕倫射策紫裘臚唱
出馬蹄不動志衝塵曲落李杜無遺恨留取花枝
待後人御令莫死多供奉人亦草隸濟曹重署額

梅村集五

七言古詩
三十一

乞火爲兒父存摩之母乞火爲兒父存摩之母但見長風白浪高

崔嵬將軍下令軍中將得聞兒啼樓船何高高

沙岸多崩摧樹人不能移舉手推墮之上有蒲與

萑下有渟與泥十步九側遙東西身無袴襦足空

疾藜叩頭指口惟言飢將船送兒去問以鄉里訊

憶還依稀父兮母兮哭相認聲音雖是形骸非鏡

有一老翁羨兒獨來歸不知我兒何處餵游魚或

經略賣遭鞭笞垂頭涕下何樂與言欲竟此曲此

何爲君不見董山兒

梅村集卷第六

七言古詩三

送沈繹堂太史之官大梁

雲間學士推二沈布衣召見登華省多少金閨榜
墨新科名埋沒聲華冷青史流傳有弟兄衣白山
人披賜錦一代才名竝玉珂百年絹素垂金粉知
君門胄本能文易世遭逢更絕倫射策紫裘臚唱
出馬蹄不動六街塵曲江李杜無遺恨留取花枝
待後人卽今藝苑多供奉八分草隸清曹重署額

梅村集六

七言古詩

新宮十丈懸韋郎體勢看飛動其餘作者何紛紛
爭來待詔鴻都門圍棋賭墅王長史丹青畫馬曹
將軍君也讀書致上第傳家翰墨閒游戲迸落長
空筆陣奇縱橫妙得先人意頓挫沉雄類壯夫雙
瞳剪水清癯異卧疾蕭齋好苦吟平生雅不爲身
計唯留詩句滿長安清切長宜禁近官秋雨直廬
分手處忽攜書卷看嵩山嗚呼男兒不入卽當出
生世諧爲二千石黃紙初除左馮翊腰間兩綬開
顏色君不見沈侍中圖書秘閣存家風匹夫徒步

拜侍從况今淋漓 御墨宮袍紅一麾去聽梁園
鐘軒車路出繁臺東杯酒意氣何雍容簿領豈足
羞英雄安能低眉折腰事鉛槧蹉跎白首從雕蟲
宣廟時雲間有大小沈學士以布衣善書入翰林
皆著名跡大學士名度小學士名粲釋堂爲壬辰
第三入官編脩擢授大梁
道亦有書名小學士後也

通玄老人龍腹竹歌

通玄老人來何方碧臚積面拳毛蒼手披地圖向
我說指點西極天微茫視彼萬里若咫尺使我不
得悲他鄉京師公卿誰舊識與君異國同周行九

梅村集六

七言古詩

州喪亂朋友盡此道不絕留扶桑床頭示我龍腹
竹夜半風雨疑騰驟尾燒鱗蛻飛不得蒼皮倔強
膺微張此中空洞亦何有得無頷下驪珠藏漢家
使者通大夏仍來邛蜀搜篋篋更踰葱嶺訪異種
攜歸上苑棲鸞皇我欲裁之作龍笛水底老蛟吟
不得縱使長房投葛陂此龍僵卧難扶策可是天
教產竹郎八荒奇事誰能識一從海上西南來中
原篠簜多良材淇園已竭蒼生痛會稽正採征夫
哀天留異質在無用任將拋擲生塵埃若有人兮

在空谷束素娟娟不盈匊盡道腰肢瘦勝肥此君
無乃非其族雪壓霜欺直幹難輪困偃蹇忘榮辱
那君豈出子魚下高人磊砢遭題目玉筍新抽漸
拂雲摩挲自倚東牆曲苦節長同處士飢寬心好
耐湘妃哭吁嗟乎崑崙以外流沙西當年老子驅
青犢手中竹杖插成林殺青堪寫遺經讀君不見
猶龍道德五千字要言無過寧爲腹何可一日無
此竹

送舊總憲龔孝升以上林苑監出使廣東

梅村集六

七言古詩

與君對酒庾樓月君逼干戈我離別與君藉地燕
山草君作公孤我潦倒亦知窮老應自疎識君意
氣真吾徒門前車馬多豪俊躡水上坐容衰鬢我
持半勺君一斗我吟一篇君百首每逢高會輒盡
歡把我新詩不容口今日他鄉再送君地角天涯
復何有山川有靈交有命延津會合真難定如君
共事曹侍郎百僚彈壓風裁正握手論文海內推
交游京洛聲華盛秋風吹向越王臺後先踪跡誰
能信不見蘭臺連柏府却過劍浦來珠郤相贈雖

無陸賈金相看何必周昌印丈夫豁達開心期悠
悠世上無人知三仕三已總莫問一貴一賤將奚
爲別君勸君休失意碧水丹山暫遊戲客路扁舟
好著書故園九日堪沉醉烏相霜紅少婦樓枕柳
雨黑行人騎獨有飄零老伏生不堪衰白困將迎
祇因舊識當塗少坐使新知我輩輕花發羅浮夢
君處躑躅悲歌不能去

雁門尚書行

并序

雁門尚書行爲大司馬白谷孫公作也公

梅村集六

七言古詩
四

代州人地故雁門郡長身伉爽才武絕人
其用秦兵也將憑巖關爲持久且固將吏
心秦士大夫弗善也累檄趣之戰不得已
始出天淫雨糗糧不繼師大潰潼關陷獨
身橫刀衝賊陣以沒從騎俱散不能得其
屍公之出也自念必死顧語張夫人夫人
曰丈夫報國耳無憂我西安破率二女六
妾沉于井揮其八歲兒以去兒踰垣避賊
墮民舍中有老翁者善衣食之二年公長

子世瑞重趼入秦得夫人屍貌如生老翁
歸以弟相扶還見者泣下蓋公素有德秦
人云余門人馮君訥生公同里人作潼關
行紀其事余曾識公于朝因感賦此什公
死而天下事以去然其敗由趣戰且大雨
糧絕此固天意抑本廟謨未可專以責公
也公之叅佐惟監軍道喬公以明經奏用
能不負公潼關之破同日死名元柱定襄

人

梅村集六

七言古詩
五

雁門尚書受專征登壇顧盼三軍驚身長八尺左
右射坐上咄吒風雲生家居絕塞愛死士一日費
盡千黃金讀書致身取將相關西鼠子方縱橫長
安城頭揮羽扇臥甲韜弓不忘戰持重能收壯士
心沉幾好待兒徒變忽傳使者上都來夜半星馳
馬流汗覆轍寧堪似往年催軍還用松山箭尚書
得詔初沉吟蹶起橫刀忽長歎我今不死非英雄
古來得失誰由算惟牛誓衆出潼關墟落蕭條轉
餉難六月炎蒸驅萬馬二嶂風雨斷千山雄心慷慨

輒宵飛檄殺氣憑陵老據鞍掃籜謀成頻撫劒量
沙力盡爲傳食尚書戰敗追兵急退守巖關收潰
卒此地乘高足萬全只今天險嗟何及蟻聚蜂屯
已入城持矛瞋目呼狂賊戰馬嘶鳴失主歸橫尸
撐距無能識鳥鳶啄肉北風寒寡鵠孤鸞不忍看
願逐相公忠義死一門恨血土花斑故園有子音
書絕勾注烽烟路百盤欲走雲中穿紫塞別尋奇
道訪長安長安到日添悲哽繭足荆榛見胥井轆
轤繩斷野苔生幾尺枯泉浸形影永夜曾歸風露

梅村集六

七言古詩
六

清經秋不化冰霜冷二女何年駕碧鸞七姬無塚
埋紅粉複壁藏兒定有無破巢窮鳥問將雛時來
作使千兵勢運去流離六尺孤傍人指點牽衣袂
相看一慟真吾弟訣絕難爲老母心護持始識遺
民意回首潼關廢壘高知公于此葬蓬蒿沙沉白
骨魂應在雨洗金瘡恨未消渭水無情自東去殘
鴉落日藍田樹青史誰人哭薜碑赤眉銅馬知何
處嗚呼材官鐵騎看如雲不降卽走徒紛紛尚書
養士三十載一時同死何無人至今唯說喬參軍

贈馮訥生進士教授雲中

并州馮郎長吳越桐江風雪秦淮月不烹羊酪敵
蓴羹肯拈蘆管吹桃葉才同顧陸與溫邢俠少風
流擅絕倫名士有誰甘作諾丈夫何必尚專城乞
得一瓊還故土欲化邊人作鄒魯余笑謂君且歸
去不信廣文今廣武絳帳懸弓設豹侯講堂割肉
摻鼙鼓擊磬新調塞上歌投壺却奏軍中舞文籍
先生上谷儒游閒公子河東賈亂定初聞闕里鐘
時清不用平城弩雁門太守解將迎馬邑名豪通
訓詁烏桓年少挾離弧射得黃羊供束脯男兒作
健羞帚屐拂雲堆上吹橫笛低頭博士爲萬卷撫
掌封侯空四壁憶昔扁舟醉石頭別來幾夢南徐
客隱囊塵尾燒却盡長鋏純鈎看自惜學就吳趨
恐未工注成晉問無人識嗚呼五湖烟水憶鱸魚
落水天高好寄書塞雁不歸花又發故人消息待
何如

雕橋莊歌

并序

高邑趙忠毅公爲雕橋莊記曰吾郡梁太

宰有雕橋莊在郡西十五里大茂諸山之
東前臨滹沱西韓二水東爲大門表之曰
尚書里有樓曰蓮渚仙居有堂曰壽槐槐
可四十圍相傳數百年物太宰功成身退
徜徉于此者二十年今其孫慎可讀書其
中自號爲西韓生云此忠毅家居時所作
也公後拜吏部尚書視梁公以同郡爲後
繼竟因黨禍戍代州死慎可以孝廉入中
翰余始識之知其爲趙公交尋以齟齬去

梅村

卷六

七言古詩
八

相別十餘年今起官水部家門蟬冕當代
莫與比焉余以其名山別墅亂後獨全高
門遺老晚節最勝雕橋盛事自太宰以來
百餘年於此矣是可歌也爲作雕橋莊歌
常山古槐千尺起雕橋西畔尚書里偃蓋青披大
茂雲扶疎響拂韓河水水部山莊遶碧渠彈琴長
嘯脩篁裏今年相見在長安據鞍却笑吾衰矣盡
道新枝任棟梁不知老幹經風雨自言年少西韓
生幽并豪俠皆知名酒酣箕踞聽鼓瑟射麋擊兔

邯鄲城天生奇質難自棄一朝折節傾公卿當時
海內推高邑趙公簡重稱相得才地能交大父行
襟期雅負名賢識公曾過我讀書處笑倚南樓指
庭樹歸田太宰昔同游廿載林泉共來去此是君
恩優老臣後來吾輩應難遇每思此語輒泫然知
已投荒絕塞天同是冢臣恩數異傷心非復定
陵年黃巾從此成貽禍青史誰來問斷編鉤黨幾
家傳舊業干戈何地着平泉我有山莊幸如故老
樹吟風白朝暮磐石寧容蟲蟻穿斧斤不受樵蘇
誤鈴索高齋擁賜書名花異果雕欄護綠萼紅蕖
水面開門前卽是鳴騶路子弟傳呼千騎歸不教
鞍馬驚鷗鷺年年細柳與新蒲糴點溪山入畫圖
四海烽烟喬木在一窓燈火故人無相逢只有江
南客頭白尊前伴老夫

海戶曲

南海子周圍一百六十里有海戶千八

大紅門前逢海戶衣食年年守環堵收藁腰鎌拜
嗇夫築場費酒從樵父不知占籍始何年家近龍
池海眼穿七十二泉長不竭御溝春暖自涓涓平

嚙如掌催東作水田漠漠江南樂鴛鴦鸚鵡滿烟

汀不枉人呼飛放泊南海子有水泉七十處元之飛放泊也後湖相

望築三山兩地神州咫尺間以西苑後湖名海子故此云南遂使

相如誇陸海宵教王母笑桑田蓬萊樓閣雲霞變

瞭鷹臺上何王殿瞭鷹臺元之仁虞院也當使大學士提調之鷹擊皆用先朝舊

鹽改傳說新羅玉海青星眸雪爪飛如練玉海青即白鷹

也詐馬筵開洞酒香元有詩馬宴割鮮夜飲仁虞院二

百年來話大都平生有眼何曾見頭白經過是舊

朝春深慣鎖黃山苑叶典守唯聞中使來樵蘇輒

梅村集六七言古詩

假貧民便芳林別館百花殘廿四園中爛熳看南

子有二十四園係明時制記得尚方初薦品東風鈴索護雕闌

葡萄滿摘傾筠籠蘋果新嘗捧玉盤賜出宮中公

主謝分遺闕下侍臣餐一朝剪伐生荆杞五柞長

楊悵已矣野火風吹螞蟻墳海子東南有螞蟻墳每清明日數萬皆聚

于枯楊月落蝦蟆水玉泉一名蝦蟆泉流入海子盡道千年苑

圃非忽驚萬乘車塵起雄圖開國馬蹄勞將相風

雲劍槩高帳殿行城三十里旌旗獵獵響鳴鞘朝

鮮使者奇毛進白鷹刷羽霜天勁舊跡凌歊好放

鵬荒臺百尺登臨勝俊鶻重經此地飛黑河講武
當年盛弔古難忘百戰心掃空雉兔江山淨新豐
野老驚心目縛落編籬守麋鹿兵火摧殘淚滿衣
昇平再覩脩茅屋衰草今成御宿園豫游只少千
草木上林丞尉已連催灑掃離宮補花竹人生陵
谷不須哀蘆葦陂塘雁影來君不見鄴杜西風蕭
瑟裏丹青早起濯龍臺

退谷歌

贈同年孫
公北游

我家乃在莫釐之下具區之東洞庭烟鬢七十二

梅村集六

七言古詩
十一

天際杳杳聞霜鐘豈無巢居子長嘯呼赤松後來
高臥不可得無乃此世非洪濛元氣茫茫鬼神鑿
黃虞旣沒巢由窮逆旅逢孫登自稱北海翁攜手
共上徐無峰仰天四顧指而笑此下卽是宜春宮
若教天子廣苑圍吾地應入甘泉中丈夫蹤跡
貴狡獪何必萬里游空峒君不見抱石沉焚山死
被髮佯狂棄妻子匡廬峰成都市欲逃名姓竟誰
是少微無光客星暗四皓衣冠只如此使我山不
得高水不得深鳥不得飛魚不得沉武陵洞口聞

野哭蕭斧斫盡桃花林仙人得道古來宅劫火到
處相追尋不如三輔內此地依青門非朝非市非
沉淪鄠杜豈關蕭相請茂陵不厭相如貧飲君酒
就君宿羨君逍遙之退谷花好須隨禁苑開泉清
不讓溫湯浴中使敲門爲放鷹羽林下馬因尋鹿
我生亦胡爲白頭苦碌碌送君還山識君屋庭草
彷彿江南綠客心歷亂登高目噫噫乎歸哉我家
乃在莫釐之下且區之東側身長望將安從

贈文園公

梅村集六

七言古詩
十二

君家丞相人中龍屈申時會風雲空廬陵忠孝兩
賢繼待詔聲名累葉同致主絲綸三月罷傳家翰
墨八分工汝父翩翩相公弟詞場跌宕酣聲伎才
大非關書画傳門高不屑公卿貴老向長安作布
衣主知特達金門戲先帝齋居好鼓琴相如召
入賜黃金大絃張惡宮聲亂識是君王宵肝心
爲君旣難臣亦苦龜山東望思宗魯左徒憔悴放
江潭忠愛惓惓不忘楚可惜吾家有逐臣曲終哀
怨無人補欲譚治道將琴諫審音先取宮商辨怡

神玉几澹無爲雲門樂作南薰殿君臣朋友盡和
平四海熙然致清晏 聖主聞聲念舊臣名家絕
藝嗟稱善歸來卧疾五湖雲垂死于戈夢故君綠
綺暗塵書卷在春令原上戴顓墳雍門歌罷平陵
曲報韓子弟幾湛族空塲福堂鬼火紅閨門池館
蒼巖宿汝念先人供奉與抱琴長向荒江哭滿目
雲山入舊圖只今無施安茅屋誰將舞躅享千金
後人餒死空山麓與君玉世通中表相隨同朝悲
宿草尋山結伴筇輿游汝交平生與我好君才
調擅丹青画舫相逢話死生君不見信國悲歌青
史裏古來猶子重家聲

畫中九友歌

華亭尚書天人流墨花五色風雲浮 至尊含笑

黃金投殘膏剩覆鷄林求 玄宰 太常妙蹟兼銀鈎

樂郊擁卷高堂秋真宰欲訴窮雕搜解衣盤礴堪

忘憂 烟客 誰其匹者王廉州神姿玉樹三山頭擺

落萬象烟霞收尊彝斑剝探商周得意換却千金

裘 玄照 檀園著述誇前脩丹青餘事追營丘平生

書畫置兩舟湖山勝處供淹留長蘆阿龍北固持

雙矛披圖赤壁思曹劉酒醉灑墨橫江樓蒜山月

落空悠悠龍友姑蘇太守今僧繇問事不省張兩

眸振筆忽起風颼颼連紙十丈神明道爾雅松圓

詩老通清謳墨莊自画歸田游一犁黃海鳴春鳩

長笛倒騎烏犍牛孟陽花龕巨幅千峰稠小景點

出林塘幽晚年筆力凌滄洲幅巾鶴髮輕王侯潤

甫風流已矣吾瓜疇一生迂癖為人尤僮僕竊罵

妻孥愁瘦如黃鵠爾雅鷗烟驅墨染何曾休僧彌

銀泉山

梅村集六七言古詩

銀泉山下行人稀青楓月落魚燈微道旁翁仲忽

聞語火入空墳燒寶衣五陵小兒若狐兔夜穴紅

墻縣官捕玉椀珠孺散草間云是先朝鄭妃墓

覆雨翻雲四十年專房共輦承恩顛禮數繇來母

后殊至尊錯把旁人怒承直中宮侍宴迴血裏

銀環不知數豈有言辭忤大家蛾眉薄命將身悞

宮人斜畔伯勞啼聲聲為怨驪姬訴盡道昭儀殉

夜臺萬歲千秋共朝暮宮車一去不相隨當時枉

信南山錮只今雲母似平生皓齒明眸向誰妬選
侍陵園亦已荒移宮事蹟更茫茫兩朝臺諫孤忠
在一月昭陽舊恨長總爲是非留信史却憐恩寵
異前王路人尚說東西李二李寢園亦在山下指點飛花入
壞墻

田家鐵獅歌

出家鐵獅屹相向聃鍊躡夷信殊狀良工朱火初
寫成四顧咨嗟覺神王先朝異物徠西極上林金
鎖攀楹出玉闕罷獻獸圈空刻畫丹青以爭力武

梅村集六

七言古詩
十五

安戚里起高門欲奉君恩示子孫鑄就銘詞鐫

日月天貽神獸守重闈禁令監奴睛閃爍老熊當

路將人攫不堪此子更當關鈎爪張眸吐銀鬃七

寶香猊玉辟邪嬉游牽伴入侯家甌人新進天閑

馬御賜仍名獅子花假面羗胡裝維伎俊猊突出

拳毛異跳擲聲雷鼓催條支海上何繇致異材

逸獸信超羣其氣無乃如將軍將軍豈是批熊手

瞋目哮呼天下聞省中忽唱田蚡死青犢明年食

龍子蝦蟇血灑上陽門三十六宮土花紫此時鐵

獅絕可憐兒童牽挽誰能前
橐駝磨肩牛礪角霜
摧雨蝕枯藤纏主人已去
朱扉收眼鼻塵沙經幾
載鎖鑰無能護北門
畫圖何處歸西海
吾聞滄洲
鐵獅高數丈千年猛氣難凋喪
風雷夜半戲人間
柴皇戰伐英靈壯蘆溝城雉對
西山橋上征人竟
不還枉刻蹲獅七十二
桑乾流水自潺潺
秋風吹
盡連雲宅鐵鳳銅鳥飛不得
却羨如來有化城
香
林獅象空王力扶雀犂牛
見太平月支使者貢西
京并州精鐵終南冶好鑄
江山莫鑄兵

梅村集

六
七言古詩

題崔青蚓洗象圖

嗚呼顧陸不可作世間景物都蕭索
雲臺冠劔半無存
維摩寺壁全凋落
開元名手空想像
昭陵御馬通泉窟
燕山崔生何好奇
書回不肯求人知
仙靈雲氣追恍惚
宓妃雜女乘龍螭
平生得意圖洗象
興來掃筆開屏障
赤爛如披洱海裝
白牙似立含元仗
當時駕幸承天門
鸞旗日月陳金根
雞鳴鐘動雙闕下
巋然不動如崑崙
崔生布衣懷紙筆
道衝騶哄金吾卒
仰見天街馴象來
歸去沉吟

思十日眼前突兀加摩挲非山非屋非陂陀昔聞
阿難騎香象梅檀林內頻經過我之此圖無乃是
貝多羅樹金沙河十丈黃塵向天闕霜天夜踏宮
墻月芻豆支來三品料鞭梢趨就千官謁材大寧
堪世人用徒使低頭受羈絆京師風俗看洗象玉
河春水涓流潔赤脚烏蠻縛雙帚六街士女車填
咽叩鼻殷成北闕雷怒蹄捲起西山雪圖成懸在
長安市道勿觀者呼奇絕性癖難供勢要求價高
一任名豪奪十餘年來人事變碧雞金馬爭傳箭

梅村集六

七言古詩
十七

越人善象教象兵扶南身毒來酣戰惜哉崔生不
復見畫圖未得開生面若使從軍使趙佗蒼梧城
下看如練更作昆明象戰圖止須一疋鷲溪絹嗟
嗟崔生餓死長安陌亂離荒草埋殘骨一生心力
付兵火此卷猶存堪愛惜君不見 武宗供奉徐
髯仙豹房夜直從游收青熊蒼兕寫奇特 至尊
催賜黃金錢只今零落同雲烟古來回家致身或
將相丹青慘澹誰千年

松山哀

拔劍倚柱悲無端爲君慷慨歌松山盧龍蜿蜒東
走欲入海屹然搢拄當雄關連城列障去不息茲
山突兀烟烽攢中有壘石之軍盤白骨穿距凌噴
吮十三萬兵同日死渾河流血增奔湍豈無遭際
異變化須臾間出身憂勞致將相征蠻建節重登
壇還憶往時舊部曲喟然歎息摧心肝嗚呼玄菟
城頭夜吹角鼓氣軍聲振寥廓一旦功成盡入關
錦裘跨馬征夫樂天山回首長蓬蒿烟火蕭條少
耕作廢壘不見人獨留萬鬼填寂寞若使山
川如此閒不知何事爭強弱聞道 朝廷念舊京
詔書招募起春耕兩河少壯丁男盡三輔流移故
土輕牛背農夫分部送雞鳴關吏點行頻早知今
日勞生聚可惜中原耕戰人

臨淮老妓行

臨淮將軍擅開府不鬪身強鬪歌舞白骨何如棄
戰場青娥已自成灰土老大猶存一妓師柘枝記
得開元譜纔轉輕喉便淚流尊前訴出漂零苦妾
是劉家舊主謳冬兒小字唱梁州翻新水調教桃

葉撥定鵝弦授莫愁武安當日誇聲伎秋娘絕藝
傾時世戚里迎歸金犢車後來轉入臨淮第臨淮
游俠起山東帳下銀箏小隊紅巧笑射棚分画的
濃糝毬仗簇花叢縱爲房老腰肢在若論軍容粉
黛工羊侃侍兒能走馬李波小妹解彎弓錦帶輕
衫嬌結束城南挾彈貪馳逐忽聞京闕起黃塵殺
氣奔騰滿川陸探騎誰能到薊門空閉千里追風
足消息無憑訪兩宮兒家出入金張屋請爲將軍
走故都一鞭夜渡黃河宿暗穿敵壘過侯家妓堂

梅村集六

七言古詩
十九

仍訝調絲竹祿山禪將帶弓刀醉擁如花念奴曲
倉卒逢人問二王武安妻子相持哭薰天貴勢倚
椒房不爲君王收骨肉翻身歸去遇南兵退駐
淮陰正拔營寶劔幾曾求死士明珠還欲致傾城
男兒作健酣杯酒女子無愁發曼聲可憐西風怒
吹折山陽樹將軍自撤沿淮戍不惜黃金購海師
西施一舸東南避鬱洲崩浪大於山張帆據柁無
歸處重來海口豎降幡全家北過長淮去長淮一
去幾時還誤作王侯邸第看收者到門停奏伎蕭

條西市嘆南冠老婦今年頭總白淒涼閣盡興亡
迹已見秋槐隕故宮又看春草生南陌依然絲管
對東風坐中尚識當時客金谷田園化作塵綠珠
子弟更無人楚州月落清江冷長笛聲聲欲斷魂
殿上行

殿上雲旗天半出夾陛無聲手攀直有旨傳呼
召集賢左右公卿少顏色公卿繇來畏廷議上殿
叩頭輒心悸吾丘發策詘平津未斥齊人慚汲尉
先生侍從垂金魚退直且上庖西書况今慷慨復

梅村集六

七言古詩
二十一

遑惜不爾何以乘朝車秦涼盜賊雜風雨梁宋丘
墟長沮洳降人數部花門留抽騎千人桂林戍
至尊宵旰誰分憂挾彈求鳳高墉謀老臣自詣都
詔獄逐客新辭鳩鵲樓先生翻然氣填臆口讀彈
文叱安石期門將軍鬚戟張側足聞之退股粟吾
聞孝宗宰執何其賢劉公大夏戴公珊夾城日
移對便殿造膝密語爲艱難如今公卿習唯唯長
跪不言而已矣黃絲歷亂朱絲直秋蟲跼曲秋雕
起嗚呼拾遺指佞乃史臣優容愚慙天王仁

過錦樹林玉京道人墓

并傳

玉京道人莫詳所自出或曰秦淮人姓卞
氏知書工小楷能畫蘭能琴年十八僑虎
丘之山塘所居湘簾棐几嚴淨無纖塵雙
眸泓然日與佳墨良紙相映徹見客初亦
不甚酬對少焉諧謔間作一坐傾靡與之
久者時見有怨恨色問之輒亂以它語其
警慧雖文士莫及也與鹿樵生一見遂欲
以身許酒酣拊几而顧曰亦有意乎生固

梅村集六

七言五言詩
二十一

爲若弗解者長歎凝睇後亦竟弗復言尋
遇亂別去歸秦淮者五六年矣久之有聞
其復東下者主於海虞一故人生偶過焉
尚書某公者張具請爲生必致之衆客皆
停杯不御已報曰至矣有頃迴車入內宅
屢呼之終不肯出生悒悒自失殆不能爲
情歸賦四詩以告絕已而歎曰吾自負之
可奈何踰數月玉京忽至有婢曰柔柔者
隨之嘗著黃衣作道人裝呼柔柔取所攜

琴來爲生鼓一再行法然曰吾在秦淮見
中山故第有女絕世名在南內選擇中未
入宮而亂作軍府以一鞭驅之去吾儕淪
落分也又復誰怨乎坐客皆爲出涕柔柔
莊且慧道人画蘭好作風枝婀娜一落筆
盡十餘紙柔柔承侍硯席間如弟子然終
日未嘗少休客或導之以言弗應與之酒
弗肯飲踰兩年渡浙江歸於東中一諸侯
不得意進柔柔奉之乞身下髮依良醫保

梅村集六

七言古詩
二十二

御氏於吳中保御者年七十餘侯之宗人
築別官資給之良厚侯死柔柔生一子而
嫁所嫁家遇禍莫知所終道人持課誦戒
律甚嚴生於保御中表也得以方外禮見
道人用三年力刺舌血爲保御書法華經
旣成自爲文序之縑素咸捧手讚歎凡十
餘年而卒墓在惠山祇陀菴錦樹林之原
後有過者爲詩弔之曰

龍山山下茱萸節泉響琤淙流不竭但洗鉛華不

洗愁形影空潭照離別離別沉吟幾迴顧遊絲夢
斷花枝悟翻笑行人怨落花從前總被春風誤金
粟堆邊烏鵲橋玉孃湖上蘼蕪路油壁曾聞此地
遊誰知卽是西陵墓烏相霜來映夕曛錦城如錦
弄文君紅樓歷亂燕支雨繡嶺迷離石鏡雲絳樹
草埋銅雀硯綠翹泥泥鬱金裙居然設色倪迂画
點出生香蘇小墳相逢盡說東風柳燕子樓高人
在否枉拋心力付蛾眉身去相隨復何有獨有瀟
湘九畹蘭幽香妙結同心友十色箋翻貝葉文五
條絃拂銀鈎手生死梅檀祇樹林青蓮舌在知難
朽良常高館隔雲山記得斑駁嫁阿環薄命只應
同入道傷心少婦出蕭關紫臺一去魂何在青鳥
孤飛信不還莫唱當時渡江曲桃根桃葉向誰攀

悲滕城

悲滕城滕人牧羊川之潰雨工矯步趨其羣河魚
大上從風雲去山一尺雷殷殷寺前鐵鐸多死聲
日暮雞犬慘不鳴城上掌事報二更鬼馬踏霧東
南行鼓音隆隆非甲兵吁嗟龍伯何不仁大水湯

湯滔吾民城中竿瑟不復陳縞帶之價高錦純路
骨藉藉無主名葬者死生俱未明悲滕城滕城訛
言晝夜驚白尺危巖浮車輪海民投網獲釜錙巫
兒赤章賽水神溝人匠氏脩防門

打水詞

北河風高水生骨玉壘銀橋堆幾尺新戍雲中千
騎馬橫津直渡無行迹下流湍悍川途開吹笳官
舫從南來帆檣山齊排浪進牽船百丈聲如雷雪
深沒髀衣露肘背挽頭低風塞口相逢羨殺順流

梅村集六

七言古詩
二十四

船急問來時河凍否溜過湖寬放插平長年穩望
一帆輕夜深側聽流漸響瑣碎玲瓏漸結成篙滑
難施櫓枝折舟人霜滿髭鬚白發鼓催船喚打水
衝寒十指西風裂吁嗟河伯何涇涇白楫如雨終
無聲魚龍潛逃科斗匿殊耐鞭杖非窮民官艙裘
酒自高卧只話篙師叉手坐早辦人夫候治裝明
日推車水上過

再觀打水詞

官催打水不肯行座船旣泊商船停商船雖住起

潛聽水底有聲枕牙應桅竿旗動吹南風舟子喜
甚呼蒙衝兒童操艇爭跳躍其氣早奪馮夷宮
如蒼崖崩巨石錮如戈矛相撞擊滄如雲氣騰虛
空颯如雨聲飛浙瀝河伯娶婦三日眠霜統方空
張輕烟忽聞裂帛素娥笑玉盤銀甕傾流泉別有
鮫鮪還未醒沉魚浮藻何隱隱上水猶結下水行
視水如燈取冰影冰輪旣碾相催送三千練甲皆
隨從激岸迴湍冰負水白龍十丈鱗鱗動自古水
嬉無此觀披裘起坐捲簾看佑客兼程貪夜發却
愁明日西風寒枕畔輕雷殊不已醉裏扁舟行百
里安得并州第四弦彈徹冰天霜月起

雪中遇獵

北風雪花大如掌河橋路斷流漸響愁鴟餓雀語
啁啾健鶻奇鷹姿颯爽將軍射獵城南隅軟裘快
馬紅氍毹秋翎垂頭西鼠煖鴉青徑寸裝明珠金
鵝箭褶袍花溼桐酒駝羹馬前立錦靴玉貌撥秦
箏瑟瑟鬟多好顏色少年家住賀蘭山積裏擒生
夜往還鐵嶺草枯燒堠火黑河水滿渡征鞍十載

